



BOSNIA AND HERZEGOVINA
MINISTRY OF FOREIGN TRADE AND ECONOMIC RELATIONS

Broj: 09-01-05-2742- 1 /22
Sarajevo, 16.08.2022. godine

SPOLJNOTRGOVINSKA KOMORA BOSNE I HERCEGOVINE
MINISTARSTVO ENERGETIKE I RUDARSTVA REPUBLIKE SRPSKE
FEDERALNO MINISTARSTVO ENERGIJE, RUDARSTVA I INDUSTRIJE
VLADA BRČKO DISTRIKTA BOSNE I HERCEGOVINE
PRIVREDNA KOMORA REPUBLIKE SRPSKE
PRIVREDNA/GOSPODARSKA KOMORA FEDERACIJE BOSNE I HERCEGOVINE

Predmet: Vijeće EU, uredba o dobrovoljnom smanjenju potražnje za prirodnim gasom,
informacija – dostavlja se

Poštovani,

Ministarstvo inostranih poslova Bosne i Hercegovine dostavilo nam je informaciju Misije Bosne i Hercegovine pri EU u Briselu da je, u cilju povećanja sigurnosti snabdijevanja EU energijom, Vijeće EU dana 05.08.2022. godine usvojilo Uredbu o dobrovoljnom smanjenju potražnje za prirodnim gasom za 15% ove zime. Uredba predviđa mogućnost da Vijeće pokrene takozvani "Union alert" o sigurnosti snabdijevanja i u tom slučaju bi smanjenje potražnje za prirodnim gasom postalo obavezno.

Uredba je formalno usvojena kroz pisanu proceduru i stupila je na snagu dana 09.08.2022. godine. Usvajanje Uredbe je uslijedilo nakon političkog dogovora koji su ministri postigli na vanrednom sastanku Vijeća EU za energetiku 26.07.2022. godine. Navedena Uredba je izuzetna i vanredna mjera, predviđena na ograničeno vrijeme od godinu dana. Komisija će naknadno izvršiti reviziju iste kako bi razmotrila njeno eventualno produženje u svjetlu opšte situacije sa snabdijevanjem gasom u EU do maja 2023. godine.

Detaljnije o navedenom u prilogu.

S poštovanjem,

Prilog: - Kao u dopisu



BOSNA I HERCEGOVINA
Ministarstvo vanjskih poslova



07/6-34-05-4-30292/22
Sarajevo, 11.08.2022. godine

БОСНА И ХЕРЦЕГОВИНА
Министарство иностраних послова
МИНИСТАРСТВО VANJSKE TRGOVINE
I EKONOMSKIH ODNOSA

15-08-2022 15:05:51

PRIMLJENO	POSREDOVANJE	POSREDOVANJE	POSREDOVANJE	POSREDOVANJE
Broj prijave	Broj prijave	Broj prijave	Broj prijave	Broj prijave
09	05-2742	22		

MINISTARSTVO VANJSKE TRGOVINE I EKONOMSKIH ODNOSA BOSNE I HERCEGOVINE
Fax: 033 220 091

Predmet: Vijeće EU, uredba o dobrovoljnom smanjenju potražnje za prirodnim gasom, informacija - dostavlja se

Misija Bosne i Hercegovine pri EU u Briselu dostavila je informaciju da je, u cilju povećanja sigurnosti snabdijevanja EU energijom, Vijeće EU dana 05.08.2022. godine usvojilo Uredbu o dobrovoljnom smanjenju potražnje za prirodnim gasom za 15% ove zime. Uredba predviđa mogućnost da Vijeće pokrene takozvani "Union alert" o sigurnosti snabdijevanja i u tom slučaju bi smanjenje potražnje za prirodnim gasom postalo obavezno.

Svrha smanjenja potražnje za gasom je da se naprave uštede za ovu zimu kako bi se pripremiло za eventualne prekide u isporuci gasa iz Rusije, a koja kontinuirano koristi snabdijevanje energentima kao oružje.

Države članice EU pristale su da mjerama po vlastitom izboru u periodu od 01.08.2022. do 31.03.2023. godine smanje potražnju za gasom za 15% u odnosu na prosječnu potrošnju u proteklih pet godina.

Vijeće EU je u obzir uzelo posebne situacije država članica i u cilju osiguranja efikasnog smanjenja potražnje odredilo neka izuzeća i mogućnost primjene djelimičnog ili potpunog odstupanja od obaveznog smanjenja potražnje za prirodnim gasom. Vijeće EU se složilo da se države članice koje nisu povezane sa gasnim mrežama drugih država članica izuzmu od obaveznog smanjenja potražnje za prirodnim gasom. Države članice čije električne mreže nisu sinhronizirane sa evropskim elektroenergetskim sistemom i koje se više oslanjaju na prirodni gas za proizvodnju električne energije će takođe biti izuzete u slučaju da budu desinhronizirane iz električne mreže treće zemlje.

Države članice mogu ograničiti svoj cilj smanjenja potražnje ako imaju ograničene interkonekcije sa drugim državama članicama i ako mogu dokazati da se njihovi izvozni kapaciteti i njihova domaća infrastruktura za tečni prirodni gas u potpunosti koriste za preusmjeravanje gasa u druge zemlje članice.

Države članice takođe mogu ograničiti svoj cilj smanjenja potražnje ako premaše ciljeve punjenja skladišta prirodnim gasom, ako su u velikoj mjeri ovisne o gasu kao sirovini za kritične industrije ili ako mogu koristiti drugačije metode obračuna u slučaju da se njihova

potrošnja gasa povećala za najmanje 8% u protekloj godini u poređenju sa prosječnom potrošnjom u proteklih pet godina.

Države članice složile su se da ojačaju ulogu Vijeća u pokretanju takozvanog "Union alert", a koji bi se aktivirao odlukom Vijeća na prijedlog Komisije. Komisija će predstaviti prijedlog za pokretanje "Union alert" u slučaju značajnog rizika od nestašice prirodnog gasa, izuzetno velike potražnje za prirodnim gasom ili ako pet ili više država članica, koje su proglasile uzbunu na nacionalnom nivou, zatraže od Komisije da to učini.

Države članice su se složile da će prilikom izbora mjera za smanjenje potražnje razmotriti davanje prioriteta onim mjerama koje ne utiču na zaštićene potrošače i osnovne usluge za funkcionisanje društva. Moguće mjere uključuju smanjenje potrošnje gasa u sektoru električne energije, poticaje za zamjenu goriva u industriji, nacionalne kampanje za podizanje svijesti, ciljane obaveze za smanjenje grijanja i hlađenja, te tržišne mjere kao što su aukcije između kompanija.


Države članice će ažurirati svoje nacionalne planove za vanredne situacije u kojima će biti navedene planirane mjere za smanjenje potražnje i o napretku navedenih planova će redovno izvještavati Komisiju.

Uredba je formalno usvojena kroz pisanu proceduru i stupila je na snagu dana 09.08.2022. godine. Usvajanje Uredbe je uslijedilo nakon političkog dogovora koji su ministri postigli na vanrednom sastanku Vijeća EU za energetiku 26.07.2022. godine. Navedena Uredba je izuzetna i vanredna mjera, predviđena na ograničeno vrijeme od godinu dana. Komisija će naknadno izvršiti reviziju iste kako bi razmotrila njeno eventualno produženje u svjetlu opšte situacije sa snabdijevanjem gasom u EU do maja 2023. godine.

Molimo da se o navedenom obavijeste nadležne institucije.

MINISTRICA

dr Bisera Turković



Bisera Turković